

第五册

卷十

人物志

卷十

人物志

平湖縣志





平湖縣志卷十

人物志一

署知縣張力行纂修



史家之體美惡並見郡邑志稱美不稱惡大率  
仿古三不朽為門類宋史列道學高出儒林上  
邑有道學名儒奉

詔褒崇俎豆於宮牆宜冠人物首其次忠孝節義功  
業文章下逮曲藝方外咸采錄焉後賢聞鄉先  
生風興起於善化民成俗之本端在斯也夫志

平湖縣志

卷一

人物

道學

一

人物

道學

國朝

陸隴其初名龍其字稼書居泖濱老屋曰三魚  
堂病嘉隆以後陽儒陰釋之學熾乃作學術辨  
大旨謂陽尊程朱而陰篡之者宋元之際即有  
之而莫甚於明之中葉自陽明王氏倡為良知  
之說以禪之實托儒之名龍溪心齋近溪海門  
之徒從而衍之王氏之學徧天下學術壞而風



俗隨之陽明言無善無惡蓋亦指知覺爲性苟無格物窮理之功恃此心之知覺以試於萬變所是者未必是所非者未必非顛倒錯亂寧有旣哉又謂自羅整菴痛言象山陽明之非後如高景逸劉念臺皆不敢指心爲性但心性之辨雖明亦不過謂心爲氣性爲理心之中有性性非卽心云耳其欲專守乎心以籠罩乎理則一也高以靜坐爲主劉以慎獨爲主而謂無動無靜其病只在不知朱子所謂析之極其精合之

盡其大二語故朱子分八條目而劉以誠意爲了事朱子置主敬於八條目外而劉以誠意當主敬又謂學術僅就經書文義上辨則彼此膠轕無已時惟舍文義而專論下手工夫則得失自見康熙庚戌登進士第授嘉定知縣至則歎曰邑多積逋大率以貧故所以致貧則風俗爲之遂一以鋤豪強抑胥吏禁侈靡變風俗爲主大賈汪氏素橫其僕奪賣薪者妻汪匿僕亟捕治之還賣薪者妻汪恐令所知探意隴其曰人



無不可自新汪感泣不敢犯市鎮少年朋遊以拳勇毆擊爲豪杖而械諸門黨悉解散有告其子不孝者涕出自訟曰我德薄無以化妝因委曲曉譬父子皆泣乃慰遣之有兄貧貸于弟不應輒舁弟貲去弟賄巡檢以盜報怒曰是可謂盜乎訊之乃弟婦翁所爲痛懲之因呼其弟曰彼兄也乃聽婦翁謂兄盜不悌也答之又呼其兄曰汝貸弟不應而徑取之陷弟不悌是不友也亦答之咸感服而退有富家欲重法貧民署

其牘曰富人之體面固體面貧人之肌膚亦肌膚俗尙侈靡富室宴會極華縟獲雜倡優貧者轉慕儷有方丈對客而爨下乏薪粟者婚喪皆盛鼓吹咄嗟酒炙相誇耀縷經醉倒恬不知怪博奕遊手獻笑覓食之輩多於四民謂之清客市井子弟日遨遊街肆以布衣爲恥用是財益匱逋賦日積隴其禁諭之且以身先俗乃一變稍稍知禮法賤惰遊嗇衣食急賦稅邑胥役以千計惟輸解上官乃遣役絕不令至民間民亦



信其愛已不待役至先期畢集逋尾絕少役漸  
易業去意欲更休養一二年使給足好義以不  
獲於上官謂非肆應才部議鑄二級改補復以  
盜案落職居民扶老攜幼填塞街市呼冤爭以  
薪粟餽卽胥吏輿僮幸其速去者亦莫不涕泗  
交頤委巷悉架枿結綵然燭額手以送遠鄉之  
民刻木爲位旌幢鼓吹迎歸以祠者日數輩凡  
兩月乃已四方人士競爲詩以頌曰公歸集俞  
嘉客詩云有官貧似無官日去任榮於到任時

平湖縣志

卷十

人物

道學

四

詔舉博學鴻辭郡人吳源起薦入都丁父艱歸日夕喪  
民謠云陸公歸舟何所裝圖書數卷機一張適

次席地卧期年乃以土坯墊四隅而寢其上所  
製冠服皆準於禮輯讀禮志疑服闋左都御史  
魏象樞舉廉吏起補靈壽縣靈壽地瘠民貧善  
鬪而輕生隴其曰嘉定可使富而不及爲靈壽  
又非嘉定比奈何邑北負大行南濱滹沱不毛  
之土十三而羸順治康熙間兩奉

旨蠲其征後以言者復申隱地處分之例州縣畏罪稍



首報由是倚山瀕河之地間有可耕相戒不敢墾隴其揭示令民墾不一首報丁額萬四千有奇五年一編審率增數十丁至是編審反虧額一千五百有奇蓋前令以溢額爲功逃亡死絕不復除而攤派包賠之累日甚隴其謂如是是驅民使逃亡也具以聞上官且曰裕課惟在卹民逃亡少則國課增如目前形勢恐難責疲氓供億也濬衛水源流量減房地稅議均甲應仍舊貫毋紛更歲凶奉發帑金支倉粟賑濟躬驅

平湖縣志

卷十

人物

道學

五

馳山谷間嘗致行唐令王鶴書云吾輩叨

朝廷一命之榮無可報効惟愛養赤子爲

國家培植元氣是其職分巡撫于成龍訪利弊條

上六事曰緩征曰墾荒曰水利曰積穀曰酌復

存留曰審丁毋溢額又言宜持大綱省煩文如

錢糧毫釐之差可卽改正者毋庸駁詰刑名案

件明白易結者無庸提解多一番駁詰則多一

番需索多一番提解則多一番拖累吏胥所深

喜小民所深苦也無何成龍歿於位



聖祖仁皇帝臨朝震悼問九卿詹事科道今天下清廉  
官如于成龍者有幾人羣臣頓首以巡撫格爾  
古德郎中蘇赫范承勳學道趙崙知府崔華張  
鵬翮知縣陸隴其對俄而工部尚書張英左都  
御史陳廷敬兵部侍郎李光地交章薦隴其行  
取入都民哭送如去嘉定時試四川道監察御  
史疏請被災之地宜緩帶徵又疏論湖南巡撫  
于養志不宜在任守制報可尋以言事部議革  
職謫奉天安插將促裝就道

平湖縣志

卷十 人物 道學

六

上心知其無他特原宥之仍舊職試俸滿從改調歸當  
隴其先後在都門時湯斌魏一鰲葉方藹仇兆  
鼐皆來訪論學不合隴其歎曰南方有一黃黎  
洲北方有一孫夏峰皆當世君子然夏峰作理  
學宗傳混朱陸陽明爲一黎洲學案尊戴山太  
過因作讀朱隨筆取朱子初中晚說以己意發  
明之庶非異學所得顛倒又患當世學者徒志  
功名浮慕躐等終身不得爲學之序刊元儒程  
端禮讀書分年日程俾學者知循序漸進法在



靈壽日作松陽講義自爲序云明中葉以來學術壞而風俗乖卑者迷溺功利高者沉淪虛無今爲世道人心計必自羞乞墦賤壟斷闢佛老黜陽儒陰釋之學始旣歸經理爾菴書院校正十三經十七史於常熟得明吳寬小學集解跋其尾舟回將輯四書困勉錄凡註疏大全或問概不編入不欲廢成書也陸王之學不多辨有學部通辨諸書在也分學問思辨行五門未成而卒年六十有三學者雜取隴其少時所輯諸

家講義題曰困勉錄非隴其志也虞山席永恂王前席刻遺著三魚堂集生平容止慤敬坐必端行必莊語必徐以簡燕居如對嚴賓祁寒盛暑不爐不扇前輩講學之書未經見者輒賃衣易之雖脯粟不繼不顧也越明年有提督江南學政之

命大學士王熙以病歿奏

上咨嗟良久曰本朝如此人不可多得乃以邵嗣堯督學江南嗣堯知隴其家貧不能葬贈俸百金始



得葬祖墓西偏秀水宋瑾年七十矣匍匐至哀  
聲動地嘉定諸門下士伴墓三宿而去康熙三  
十七年趙申喬任浙江布政使購田十餘畝供  
祀五十四年郡守吳永芳請從祀  
先師廟中格乃建鴛湖書院於郡庠左專祀之雍  
正二年議崇祀諸儒禮部尚書張伯行以隴其  
學術醇正爲聖道嫡傳宜祀兩廡奉

世宗憲皇帝允行乾隆元年

賜謚清獻贈內閣學士兼禮部侍郎

平湖縣志

卷十

人物

道學

八

諭祭建坊於墓道丙方八年知縣高國楹建祠於縣  
治東南十六年

車駕南巡遣官

賜祭儀封張師載作陸子年譜寧化雷鉉序之以爲  
嘗讀陸子學術辨與湯潛菴諸書其於姚江之  
學可謂攻其壁壘搗其巢穴不遺餘力矣然使  
陸子窮達出處有一不合乎道治心檢身無人  
所難能之定力兩任縣令無人所莫及之治蹟  
一載臺中無人所不敢言之正論則講說雖明



辨駁雖切亦何足以服天下後世之心哉世以爲知言

忠臣

明

周翼明字季醇萬歷庚戌武進士授鎮撫昌國備倭賈舶飄洋至同官欲借爲功翼明持不可遂被讒歸幕府檄署金盤復署臨觀倭犯溫州翼明提兵由大洋抵莫山逐之撫順失守徵兵浙江諸弁縮朒莫敢往翼明慨然請行抵遼充

平湖縣志

卷十

人物

忠臣

九

大將軍劉綎部右翼先鋒到才二日四千里重  
駢兵不得休息隨綎出寬奠入橫壤力戰破羊  
毛馬家董右深河諸寨被圍突出上青石嶺列  
營爲死戰計或勸之逸厲聲曰汝止吾不死非  
壯士也復殺傷數十人面中流矢卒年四十有  
三賜祭葬蔭子乍浦所百戶世襲建特祠

陸燦字振玉崇禎甲戌進士授濟南南府推官廉  
節自矢丙子分考得士六人趙進美以垂髻冠  
齊魯太學生宋玉鉉兄弟坐盜誣舉家繫獄數



載屢叩登聞不得白燦察其寃且廉知真盜繫  
廠獄囚請覆鞫悉反其案釋之戊寅十二月濟  
南被圍巡撫顏繼祖率師保德州濟南無兵嬰  
城固守己卯正月初六日城破或勸之去燦瞋  
目曰城存與存城亡與亡勿顧我遂死之闔門  
皆遇難

陸清原字嗣白號岫青沉毅有大節崇禎甲戌  
進士令增城縣地瘠多盜清原至嚴保甲盜息  
民安隣邑盜掠三省奉督撫檄相機勦撫兼攝

平湖縣志

卷十

人物

忠臣

十

龍門崇化東莞篆輕騎造賊壘諭以禍福賊拜  
散去擢御史按閩道經淮安疏言史可法兵單  
根本重地宜留援師聽史可法調用行部至漳  
山賊數千薄城廉得奸細絕其內應募敢死士  
鼓行而出賊驚潰申酉之際毀家勤王責馬士  
英擁兵奔竄會犒師士英遣部將趙體元進見  
猝起拔刀斫清原墮三指創甚不能起 大兵  
渡江清原赴水死年四十有二仲子若采字亮  
虞性孝友痛父殉節終身未嘗笑飲族叔祖鑿



有夙負不能償采割已產代爲解紛聞者咸義之

陸士鉉字古雪八歲能詩性至孝以歲薦授訓導甲申聞變大慟絕粒死

康承爵字德徵好讀書識大節萬歷庚戌武進士任鎮撫遷撫標陞神機營遊擊清勾羽林軍時魏璫用事承爵力求外補出守廣東破惠州山寇葉文林海寇劉香等轉廣西右叅平龍山賊崇禎初分守台金巖破海寇張宏銘捷聞晉秩副總兵明亡遂歸死于當湖

孝友

明

過宗一字貫之早喪父獨與母居至正間張士誠陷蘇州聞其才遣使迎之以養母辭尋劫以兵遂負母逃海上遇寇欲殺其母宗以身蔽面中數創寇感其孝舍去傭以給食母卒六年不克葬寢苦服衰蔬食不變有白燕巢其室明初建坊旌之



沈昊字孟璋珍長子倜儻有幹局性孝友奉諸母比于所生撫異母弟妹無間同母弟孟暹以誣被逮昊挺身代行械至淮上會淮撫雅重昊一見大驚立奏釋之同逮者皆賴以免庭中嘗產瑞竹一本兩幹柯葉亭亭咸謂孝友之感時邑治初析又尚義捐資與陸珪創建文廟學宮至今當湖科第首推沈陸云

沈渭字可閒父昊與弟昇友愛渭亦事叔如父昇二子琮肆從同郡沈稽勲淳學酬以產渭出已產相佐治奩嫁諸姑暨妹無間嫡庶皆先父意爲之問衣視膳須臾無間父常北遊固請侍行年幾六十絕去家事閒曠終其身

沈琮字公禮正統壬戌進士邑科甲自琮始授南京兵部主事出知夔州改重慶皆以喪不赴與弟肆廬墓下不茹葷不室處凡六年有馴鶴瑞草之異事聞肆已卒詔旌曰旌表知府沈琮孝行之門琮具疏願以及亡弟聞者義之後任廣州興學校敦風化勸農弭盜爲諸郡最卒於



官

沈琿字公貴八歲能詩與兄琮齊名景泰辛未成進士任御史凡臺中章奏多出其筆不苛掇小過沽直名於大姦慝則無所顧避按部平枉獄汰貪吏蠲歲租平物價丁父母艱與兄琮廬墓五年雞骨不支諸兄強昇歸卒於家年三十八

沈燮字泰夫號賓山父樗以資豪閭里天順間獲罪坐死燮徒步走闕下抗疏辨父冤拘囹圄

平湖縣志

卷十

人物

孝友

十三

者八年疏七上乃得歸甫至吳門計詰旦獄且決號泣祝天大風忽起一夕抵武林雨甚燮虞辨揭之朽也頂黃袱懷綿紙百張爛輒易之巡按感其至性減父死流嶺表後還鄉歿於牖下布政使萃楨樞五世孫

郭球字友虞母蚤孀兩目皆瞽球以舌舐目漸明嘉靖間倭入寇負母塗行寇猝至欲刃其母球以手搏兩臂受刃血濺襟裾會縣尉率兵至突圍出母亡廬墓朝夕哀慟有烏數百巢其樹



人以爲孝感

過橋字朝仰嗣伯溱後每試冠諸生事母孝承奉恐後所得嗣產推予兄弟首兩浙貢不願仕母病焚香刺股年四十七卒孫簡肅誌其墓子厚髫年失父事母惟謹兄以豪俠廢箸厚承父遺不及什二讓腴取瘠伯槐無後厚應嗣所受千金悉公之族人著有性理通鑑要略孫銘盤字伯新崇禎庚午副榜才名重公鄉間歲飢建平糶議貧民賴之邑有利弊侃侃正言無顧忌

平湖縣志

卷十

人物

孝友

十四

年七十九卒

孫璧字朝瑞以貢授吉水教諭陞伊府教授致仕璧弟僉事璽貧不能從師手標疑義就璧剖析白首歡洽事寡姊五十餘年門外雙槐連理因自號一槐婦翁王無子籍其遺資以宗人之長者主其祀年九十三卒

楊陞字敏夫諸生嘉靖間倭警祖母與母倉皇走匿陞咫尺不離父歿有遺腹弟陞析產成婚曲盡友愛閩客葉章遺金十斤貯囊坐竢至則



還之客欲酬以半不受

馬珂字世望少穎敏父官廣州幕解餉金至彭蠡爲逆藩所掠珂方廷試聞信卽行或勸以試畢泣曰試乃重於親耶會王守仁平逆藩諭知廣州銀尙存遂請牒訴之當事不得復走訴之京卒得白後以貢授六合訓導再遷連山教諭不赴

沈思孝諸生家貧竭力孝養父患疽吮之立愈母瞽昕夕籲天目遂明母亡會葬大雨如注禱

平湖縣志

卷十

人物

孝友

十五

城隍廟遂霽

秦涇字汝清幼喪母繪像事之如生失愛于繼母事益謹撫異母弟尤篤卒回母心父卧病鄰火及卧所涇扶鼻莫及叩頭籲天風反火滅父歿廬墓三年知府鄭登高覈寔上聞

楊志英諸生母吳氏沉疴數載侍湯藥衣不解帶母沒哀毀骨立絕勺飲終歲偕父寢非再三命不就私室家貧同婦食糲館穀悉進父供甘旨父疾溺噐穢衣手自澣滌在疚之日哀號嘔



血感動鄰里後無疾端坐而卒

俞懋修諸生少有躄疾父母嫌之娶婦戈頗令  
淑而嫂酷妬百計搆之父母愈不懌間乘父出  
挾姑威錮兩人別室絕其飲食伯母姚趣侍婢  
沓至陰佐懋修夫婦出僑寓武塘集里中兒授  
句讀婦縫紉以支旦夕顧時時念父母不置相  
對歔歔曰寧死膝下耳懇族人爲請於父父稍  
悟得返母亡嫂筦家政進食粗糲父不堪下箸  
修更烹鮮以待尋爲人後常迎養父父益悟欲  
奪兄所侵嗣產歸修修號泣牽裾陳不可亡何  
父與兄嫂相繼亡修擇地築土祔葬兄嫂于旁  
兄子死撫孤倍至

俞永言字懋孝諸生比部南金少子比部早世  
生產蕭然與兄敷言篤志績學先後補諸生母  
病禱以身代母亡以兄爲家督事無大小稟命  
唯謹兄嫂繼歿撫姪如子教育成立

馬瑀字朝儀孝友耿介弟珣運漕覆糧被按治  
瑀代白得免歲禮請于郡免田租之半人咸德



之

時敏字恥負事父孝父歿哀毀有加喪妻獨居四十五年里人願以女女之不應下帷攻苦室如懸磬

曹伯來九歲喪母事父孝父歿妹甫數月撫育遣嫁踰已女兄歿贍嫂終其身嘗道經平望客王姓者風覆舟來以舟援之亟棹去追贈千金弗受省試乙榜者四竟以諸生終

胡士奇字重之本餘杭袁氏先世徙平湖贅于

平湖縣志

卷十

人物

孝友

七

胡遂氏焉萬歷丙子舉人由進賢教諭陞兵部司務有職方郎誤舉西寧侯罪充遼東大帥奉旨詰責移罪于奇謫仙遊訓導奇不辯歲餘卒弟士章少不學奇出父木主跪章泣而責之章感悟兄弟相師友登己卯賢書授太湖知縣年餘卽歸割已產膳嫂迎養寡姊撫兄子終其身云

毛應銓字元衡幼有至性家貧父病晨起赴塾必以父藥餌絮語家人灑淚而出暮歸同父卧



抑搔疴癢衣不解帶父歿事兄謹歲時贄修無所私中萬歷甲午舉人選安吉教諭陞國子監學正遷禮部司務時福藩之國皇太后喪禮南宮屆期大宗伯一切倚辦謂能其官冀考滿馳封而溘然以歿子湛字修之萬歷乙卯舉人選婺源教諭介然有守陞南監丞歷刑部郎中奏獄平允邸舍蕭然若寒士卒於官

陸萬源字天澄蚤歲能文由南雍乙榜授光祿署正性孝友父夏津令病篤源跣足徧禱願減算益壽居喪廬墓哀毀備至周卹親族無倦色有陸孝子祠子大柱號平治太學生好義樂施課子尤嚴

馮伯禋字欽仲萬歷丙午應天舉人少稟至性嘗斷指以療母疾本生母沈卒緣嗣叔父敏勛例不守制泣曰禋何忍獵名忘母遂不赴舉叔父終後當析產則曰爲人後者以苦塊爲市乎不受與兄伯楨友愛甚篤撫孤姪不啻若己子焉



俞志臯字蓋卿母早亡父有足疾弱弟未成立  
臯資館穀供父弟朝夕養中萬歷丁未進士卒  
于潞河蕭寺聞者傷之

陸文相字春臺諸生父賓橋坐累論戍繫獄數  
年文相方七歲見邑侯丁士美出攀輿呼救士  
美問知書否以能破對因命扇爲題應口輒就  
遂釋賓橋賓橋有隱德嘗拾遺金十兩坐候其  
人還之孫懷玉有傳

馬香幼失怙恃刻苦自立兩兄老迎養殯葬撫  
四姪如已子子鳴雷鳴霆各有傳

陸燭字時秉諸生父相建昌府經歷宸濠將變  
先乞歸燭性至孝父病刺指血投藥中尋愈遭  
喪廬墓三年臨逝張目提筆曰從古英雄有去  
時只求心不愧天知無一語及家事子懋功有  
傳

馬維鉉字鼎甫隨父九衢肄業孫簡肅家簡肅  
稱其能體父志字曰體衢廩餼館穀不私妻子  
課弟維銘成進士撫孤甥陸瑞徵與婚配舉內



姪潘某三葬萬歷庚子以貢授廣東保安訓導  
太守委以橋稅鉉力辭不任歿于署子德澍字  
商雨扶父喪歸里哀感路人性坦厚旣受給諫  
封自奉不異寒士徒步里門有司造謁拒不納  
其推爲長者澍子嘉植有傳

沈瑞盤號三楚析產時以腴田讓弟自取磽确  
由諸生入太學不第歸舟次維揚聞弟瑞鑾訃  
慟哭抵家成疾卒生平邃于易義子原浹字永  
叔性倜儻遇事敢言以子棻貴封知縣

陸長春字景陽性孝友以父文昭鰥居時集高  
年置酒會曰非此無以娛我親也嘗贈劉友兼  
金爲其子完姻後其子豪於資且兄宦顯長春  
絕口不道前施萬歷丁亥大疫早起見五鬼竊  
語曰正人在我輩當避之一方竟無染者

馮洪業字茂遠萬歷乙卯應天舉人性至孝父  
伯禮卒于燕業徒跣奔喪扶柩歸里事母查氏  
能養志卧樓燬冒烈焰負母出眉顙並焦母疾  
割指以療尚義輕施與嘉平二邑學宮祀各捐



千金助鼎新費捐田惠宗族供祠祭修築漢塘  
五十里行旅便之他如賑飢療疫捨榘櫝衣帳  
不可勝計晚好養生與御史郭紹儀講修煉術  
以終

俞煜字君三幼失怙哀毀盡禮承祖父歡備至  
弟光翰蚤世恤嫠字孤無少怠中崇禎丙子舉  
人圖書自娛不涉戶外事尤精青烏家言所著  
失傳

楊兆梧字非棘崇禎己卯舉人幼孤性至孝哀

慕不忘嘗爲文禱於忠肅祠冀沾一命揚其親  
旣登賢書謁見房考鄔期仲詢及世闕大哭失  
聲一座動容

陸倣孟字泗臣諸生營父窀穸于龍尾山爲豪  
所發孟薙髮毀形誓不俱生獄具後讞駁漸減  
孟伏闕抗疏詔下法司案驗得實置重辟人稱  
陸孝子

顧之琦諸生父其志卧病三載琦侍湯藥寒暑  
弗歸私室父沒哀毀不食者三日邑被兵母曹



氏年八十五艱於跬步琦守母不去身被數鎗而卒

陸本字天全弱冠爲諸生侍父肇淳疾衣不解帶父沒哀毀盡禮撫幼弟弱妹成立奉母色養備至數奇不偶以子光旭封御史

### 國朝

湯自梁字維京順治丙戌舉人年十二母沈病割股肉入藥乃愈家人無知者久之痲露父紹祖戒之曰非中道也然心愛之伯兄茂先遺孤

### 平湖縣志

#### 卷十

人物

孝友

三

在襁褓撫之成立仲兄元纘喪明歲奉薪水以贍鄉黨義之

金式玉字藍珂嗜書工詩古文辭順治丙戌拔貢授壽昌訓導捐俸置義田貧士有緩急多寡必應中辛卯舉人集貧士于庭舉券焚之辛丑成進士終日侍父母如嬰兒有所獲悉以奉親無纖毫私蓄與弟璞玉等晨夕課誦邑有文社必攜筆墨與會制藝益工謙退下人無挾貴色母卒哀毀過甚終母七而亡著有律呂新書註



三易通四書人物攷弟尙源字梅格諸生式玉  
旣沒產益落公私內外源身任之不以累諸昆  
性敏慧博通性理音律歷數之學以勞瘁卒

陸溶原字嗣安少爲諸生負經濟才崇禎末伯  
兄清原官御史同在邸每言幹濟宜在外清原  
然之及按閩蒞任風裁多資其贊助清原死遂  
無意人世廬墓不入城市手定二十一史節本  
雅好客聞足音跼然輒喜年七十六宗祠構難  
痛哭阻之不能曰我不幸猶生憂憤疾作勺水

平湖縣志

卷十

人物 孝友

三

不入口半月卒

盧聖瞻字上史歲貢生少以孝友淹博見稱督  
學許豸獎之云事繼母則人不間於父母昆弟  
之言撫兄子則義共稱于宗族鄉黨之內子錫  
爵字兼有院試招覆以名同學使者祖諱令易  
之執不可遂黜以布衣終

陸徵誠字心葵少孤事母孝母病衣不解帶浣  
衣滌器必躬親之家鮮立錐而捐介有守嫡姪  
之淵無子誠主議嗣有覬覦者嘗以金駭而却



走硯田自給對弟子不苟言笑雖盛暑爍金未嘗去冠幘手輯先正格言十餘卷

顧人龍字雲馭少穎悟讀書工制義以歲貢授太平訓導教士有程嘗吮父疽賴以愈弟在縲纆破產營救得釋與人交藹如春風年九十五世一堂赴鄉飲大賓卒子涵字眉峰庠生承歡友愛亦以壽終

顧明傑字越萬諸生母病割股煎藥得蘇家產中析不分彼此兄人龍欲赴廷試傾貲助之好

平湖縣志

卷十

人物

孝友

十四

學工詩著有漁山子集祖可達父大宗皆孝友稱世德云

沈日芳字元贊府庠生幼喪父事母吳晨夕不離左右非應試定省無間

金赤字如斗市井人事母孝家貧竭力甘旨進必手奉母意有不懌卽長跪請罪命之起不敢必得母一笑乃起有二女母以意字人而其家貧甚不能舉火赤戒其女終身無怨言

陸若禾字元祈號訥安諸生父清原按閩若禾



秉家政悉體父志傾資以應及父歿難哭覓遺骸且被外侮心力俱瘁與姪侍御清獻契合宰嘉定靈壽俱延之襄贊尤精史學年七十一而卒

沈嶠字松亭性孝友九歲大父桂禎垂歿戒之曰我遭族黨毀不得葬父傍汝識之嶠日夜冀成祖志族衆鑿其誠遂得附葬嶠每掃墓悲哭不已家極貧歲祲寧凍餓一介不取精鐵筆善製硯湖中稱爲嶠硯教子黼熊輩先器識而後

平湖縣志

卷十

人物

孝友

三

文藝一邑稱之

程伯鐫字遷于家貧負米供親父歿哀毀喘息幾不續母喪亦然兄爲寇掠鐫訪求止得一姪已編軍戶相持慟哭營脫其籍爲完娶庶弟二人亦遭亂流落親往覓歸俾有家室事庶母如母後家漸饒扶植親黨至老不倦

沈心培字存齋庠生父熙性嚴卞雖晚年舉子不少姑息心培受室後猶時受杖里黨稱純孝敦行力學試必前茅藝林傳誦家貧授徒以奉



親遭母喪大慟嘔血不止而歿年三十四

何元璜字嶽高四歲失恃事繼母能得父權父歿孝養祖妣竭力承志敦行以古人自期遭諸喪不作佛事性嚴毅瞻視儼然不苟言笑以諸生終無子著述甚富不自收拾其書多散失不傳

徐昱字耘中庠生父振歷署丞尙義好施致赤貧昱性純孝勤苦供親父病籲天割股及歿哀毀屢瀆于死母患脾症晝夜侍躬滌垢穢延醫

平湖縣志

卷十

人物

孝友

五

墮水聞神人呼救孝子負土築墳十指俱裂撫兄子踰于己子年七十餘無病端坐而逝

沈之銳字鈞奏父起雷明經沒於徐溝訃至之銳哭而疑遽踊身欲飛竟入水救起成癡病父柩歸癡少間云母在未從父于地下及母病衣不解帶者七十日母亡號哭不止忽失聲仆地血淚染襟袖俱深赤左目遂失明曰吾得侍父母矣勺水不入口旬日卒

屈希完字天若少喪父事母孝撫弟友愛手營



父祖葬死冰雪中復甦與子朝陞俱以諸生有名朝陞子應麟垂髫入泮工詩文書法早天陸圻字近虞庠生父母歿圻年十五率弟四人日聚一樓苦志力學相繼入庠叔士琰甲子解元歿于京叔母滯山左圻扶柩奉叔母歸經喪卹寡不憚拮据爲諸弟擇配完婚自憾失養終不娶

王稔字旣昌監生年十二遭母喪呼搶號泣父病躬親湯藥衣不解帶者彌月日禱神願以身

代及歿哀毀骨立死而復甦盡力殯葬廬墓三載又善事繼母與弟穉不析爨視姪如子事聞奉旌

馮洪復諸生工舉業兼古文辭居家孝友宗族咸推重之姪願字君可亦敦節行克盡孝友舉鄉飲賓

馮洪行字士用幼失怙恃居喪骨立春秋祭享哀慕不忘事長兄如父有所爲必稟命時以王褒姜肱比之



張友德字淡中事親孝友及卒哀毀骨立廬墓  
三載有木成連理之祥遇忌辰號泣若初喪禮  
仲兄出繼以本生產業讓子姓貧乏者曰是我  
先人所遺也閭里義之子逢年字炳文修學宮  
捐產助育嬰堂從姪漢年字蒼亭慷慨尚義時  
築海寧塘向九峯採石漢年急至省謁柳遊擊  
進忠曰乍浦九山不但保障一邑實嘉禾之扞  
衛也石不可去柳聞于撫軍得免

顧蛟字飛淵性孝友事親先意承志兄弟四人  
析產時淵獨取礮礮嘗買舟舟內拾遺金若干  
還其主

馮耀暘字周贊諸生篤于友愛凡喪葬大事獨  
身任之

胡光銓字以鈐號衡臣國學生幼喪父母哀毀  
如成人殯葬畢日則歸家奉侍祖母晚奔墓下  
閭邑稱孝子捐祭田爲合族倡叔病劇以子女  
相託撫養婚嫁爲之復舊業置新產出歷年贏  
餘以授之生五子長紹高字聞衣康熙己丑進



士操選政者三十年弟紹安没于官紹高傾貲助完帑撫姪讀書婚娶成立筮仕貴筑詳除苛派丁外艱歸旋丁內艱廬墓日涕泣尋卒紹安別有傳

孫培嘉字孚吉入庠旋遊太學崑山徐相國爲司成屢見賞試冠軍孝事本生父嗣父喪葬盡禮不欲私嗣產以周親黨貧乏人咸義之

徐銘字常吉以諸生入成均性孝友父病顰天請代及卒哀慟不欲生以母在強起眼枯淚竭

平湖縣志

卷十

人物

孝友

三

廬墓終身家事一稟於兄庭無間言後喪母哀毀過甚遂卒次子宗泰字成高附貢生精風鑑醫理廣施藥餌樂善不倦

馬燦曾字用光歲貢生選開化訓導事親曲盡孝養弟爓曾貧病艱嗣友于彌篤長子佐堯字靜先丙子副貢授龍泉教諭父母没年已七十哀毀同孺慕捐田葺先世兆域創祭掃規儀蒞廣文任督諸生以白鹿規條旣耄賦遂初焉倪亮采字道躬庠生父洵徵應鄉試卒于途采



年十二號泣扶柩見者垂涕事寡母盡孝祖庠生鑒喜周急采克成厥志捐金以息族之爭產并完娶不能婚者撫孤姪女與已子均分產子府庠生廷鳳早卒長孫藻垣領鄉薦

陸名世字松友庠生敦厚有古風年三旬婦歿屏婢媵終身不再娶卒年八十二子瑩字端明廩膳生恂恂儒雅無疾言遽色早失恃慟不欲生事父先意承志怡怡色養數十年如一日人稱孝子卒年六十孫養正字聖修庠生年十九年三十三

平湖縣志

卷十

人物

孝友

三十

倡戒淫會偕同志于月朔設冊書名註明無犯焚神座前隨課文二首名敦行集砥行澄潔卒年三十三

馮壇字穉登康熙丁酉舉人少失怙事母至孝家貧授徒以供甘旨搯行潔白持躬嚴整跡不至公府與同榜蔣拭之爲文字交最莫逆年六十二後人零落今已無嗣

楊豫源字升恒諸生幼失怙事母孝母病割股以療中年喪耦不再娶弟巨源字以潮諸生性



孝友營葬父母及世父故人陸聖修沒教養其孤俾成立程白川卒京邸時分束脩恤其家巨源子敬直字義方居父喪哀毀卒

馮堪字景增監生早失怙事母施盡孝母暮年患頭風疾十餘年不離牀褥堪衣不解帶侍奉湯藥寒暑無間母歿盡禮盡哀獨任喪葬諸事爲人誠厚端謹族之貧者賙卹不怠雖拮据弗顧遇侮不較羣推長者年七十八卒子四長錕癸酉選拔有傳次鑄鎬銑皆邑諸生鑄事父尤

平湖縣志

卷十

人物

孝友

三

謹愛養備至

馮錡字爾調生有至性父堦候選州佐客死大同幕錡聞號泣奔赴既至一慟幾絕勺飲三日不入口雲中日爲馮孝子扶櫬歸徒步走數千里遇崎嶇必號泣扶挽櫬行例不入旅店每夜露宿柩旁旣歸葬一痛而絕乾隆八年題旌子溥爲刊孝績編

楊紹裘字翼王性孝友誠樸尚志節持躬端毅寡言笑不苟取予淹貫經史邃于宋儒理訓每



試輒冠軍文壇中有甘興霸之目以貢終著有  
易義管窺性理闡義諸書未梓子楷字貢九諸  
生性孝友攻苦力學楷子大琮字紹春髫年發  
憤博涉子史早失恃色養繼母陸盡孝繼母病  
怯常在床褥琮衣不解帶籲天願以身代繼母  
沒一慟幾絕嗣是遂得怔忡疾比鄰失火延燒  
家人悉逃避琮撫棺長號誓俱焚火騰屋旋息  
人謂誠孝所感未幾以疾卒年二十有八

朱汝謚字晉山父鏐以孝友稱讀書敦行謚承  
平湖縣志  
卷十 人物 孝友 三  
庭訓敦本睦族族姪爲父覓葬地不得卽以已  
所卜吉壤予之乾隆甲子舉鄉飲賓年八十四  
卒子和字介堂乾隆戊午舉人乙丑中明通榜  
丁父艱歸哀毀卒于喪次長才不壽湖人多惜  
之

王瑞林目不識書負販養親母病醫藥罔效刲  
左股以進得瘳未幾父病復思刲右股或謂年  
邁非股肉可救宜嘗糞糞苦則生乃伺父便取  
嘗味甘惶遽無措親沒復歲禮倪進士見龍賻



其喪林感激後倪作令註誤徵及家屬林代訊繫獄數載得歸平生誠樸忠信鬻物無二價稍有餘息賙鄰里貧乏者有一子溺死晚年爲人收拾字紙自給至八十餘卒

馬鏜字應旂遭父喪毀幾滅性服闋遊庠與弟鏞馳驟文壇人稱二馬鏜領王子鄉薦丙辰禮闈不售得疾終于旅次鏞竭力謀歸櫬塋先塋旁事寡嫂甚謹撫姪女婚嫁如已出授徒館穀悉奉嫂不私蓄食貧苦志體素清羸鬱鬱卒

平湖縣志

卷十

人物

孝友

三

陸載周字存六世楷孫奇勲幼子出嗣霽勲遺產爲他族侵蝕載周怡然不以介意因出所有爲先人治兆域植松楸部署秩然迎養生母備甘脆盡歡合塋本生父母五喪爲諸姪婚配嫁姪女性尤急人之急凡宗姻貧乏孤嫠無告者竭力扶助交游以緩急告應之無吝色至性誠懇克敦古道陸太守綸其伯兄也爲之傳

沈鼎字玉才少孤性孝奉母不離左右弱冠母卒鼎誓不欲生族人力爲解勸寢苦塊三年不



薙髮積受濕氣瘡發髮半脫落生平不殺生喜  
解推常調鄰里之屯蹟事叔文虜甚謹叔貧割  
產以奉生平操行潔白年三十四卒

史兆鵬字萊峰本姓朱歲貢生事親一準乎禮  
友愛兄弟數十年如一日居喪不作佛事與人  
交禮讓不衰妻沒不再娶故交程白川卒于京  
邸百計歸其櫬子尚襁褓撫之成立家貧取予  
必嚴手訂先儒緒言數十卷皆蠅頭細楷爲文  
章以大氣卷舒書得米南宮筆意教授生徒口

平湖縣志

卷十

人物

孝友

三

講指畫不倦邑令閻公銑往訪辭不見子堯佐  
字襄哉廩膳生

陸鍾英字舒霞晚號退士沈潛經史邃于詩古  
文尤工制義登乾隆辛未賢書淡于仕進當事  
延掌當湖書院講席因材善誘品評悉當多士  
悅服兄汝欽罷官歿宦橐羞澁孤寡生計蕭然  
分硯田所獲調之教兩姪成名壯歲賦悼亡不  
再娶後奉部截取以知縣用辭不赴優游授書  
以老



陳嘉績字丕文太學生幼敦孝行父歿旅館家貧嘉績授徒積貲扶櫬歸葬事嫠母盡孝母背發疽嘉績吮毒得痊經營窳窳不以委昆季謹事伯兄兄故提攜弱息擇配士林弟嘉德以友朋事牽連繫獄追銀一千八百兩嘉績倉皇拮据鬻已產清欸免遣弟兄復聚嘉德以考終撫孤姪成立生平篤友誼重然諾年六十六

胡沆字兩瞻庠生幼失怙恃育于舅氏家至性孝友嘗憾不能侍奉二親遇春秋四節必肅衣

平湖縣志

卷十

人物

孝友

三五

冠敬奉烝嘗處兄弟怡怡兄本澁沒資硯田營葬恪事寡嫂撫諸姪如已出恩義兼至經理婚嫁貧不能自存者留養之生平敦氣誼樂施予不輕然諾作省身箴自警年八十五預知逝期沐浴更衣卒

沈發字慎齋諸生父元洲字宗環有詩名工書早卒發生纔十月母親授句讀每讀父書卽涕泗霑襟事母先意承志母歿茹素三年入闈俛得俛失者屢甲子卷已入殼以同考官不相能



斥落遂絕意功名授徒課子詩學杜韓家貧盡  
鬻婦奩產葬三喪及諸父窀穸戚族告急雖空  
匱必周之自奉儉約不苟取與以三子初歷官  
少宗伯膺崇封卒年八十二  
丁廷鑑字浩如諸生幼從祖母居魏塘陳霆萬  
家下帷發憤殫研經史爲文章磊落有奇氣陳  
有僕婦奔廷鑑寢室力拒之後偕母歸里境益  
輒軻硯田所入悉供甘脆性狷介不苟取與遇  
後進諄諄以力學爲訓

平湖縣志

卷十

人物

孝友

三

潘宗敬字誠孚諸生幼孤事母孝家貧館于外  
寤寐中時呼母淚痕積枕席性端方厚重見義  
勇爲墓田失守傾家產贖歸爲業師沈營葬兩  
喪績學工文無嗣

屈維銘字竹書太學生父病刲股以療病遂瘥  
修學宮濬城河並捐貲以助卒年八十三

施燦字履元廩生性孝父母皆病劇醫藥不治  
燦割股和藥以進親病俱瘳壽皆八十外生平  
慷慨尚義賑恤嫠孤晚年經營葬事拮据成勞



卒子四天驥庠生天苞甲午舉人

陳榮樟字楚材廩生性孝友敦族誼受業陸清  
獻公有前輩典型子統元字見山力學砥行雍  
正壬子歲稔捐佃租窮民感戴盧生甫卒官舍  
爲之經紀喪葬課子義方以孫嗣龍貴 贈如  
其官

何廷鏞字東江例貢生至性孝友通達事理雍  
正六年同邑陸培知東流縣以鏞人品卓犖才  
具敏練特薦引

平湖縣志

卷十

人物

孝友

三

見命往陝西試用鏞以親老不願遠宦力辭旋里偕  
諸弟問安視膳承歡膝下其篤于所生而不以  
好爵易其素如此



